



**Sud Bosne i Hercegovine
Суд Босне и Херцеговине**

Broj: S1 3 P 037400 20 Iž
Sarajevo, 13.10.2020. godine

Sud Bosne i Hercegovine, u drugostepenom vijeću sastavljenom od sudija Dinke Bešlagić Čovrk kao predsjednika vijeća, Vesne Trifunović i Srete Crnjaka kao članova vijeća, odlučujući o žalbi Nejme Hadžović sa boravkom u Švedskoj 42439 Angered Lonngarden 27 na odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj 13.10.2020. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020 .godine po podnesenim prijavama do 01.09.2018.godine jer nisu ispunjeni uslovi propisani odredbom člana 3.15 stav 1, 2 i 3 Izbornog zakona Bosne i Hercegovine.

Navedenom odlukom odbijena je prijava Nejme Hadžović koja je blagovremeno izjavila žalbu u kojoj navodi da je u zakonskom roku predala prijavu koju dostavlja i u prilogu žalbe.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer žaliteljica nije predala prijavu koja je u potpunosti ispunjena jer nije imala lične podatke podnosioca žalbe, sttausu u kome boravi van BiH, izjašnjenje o opciji glasanja, podatke o adresi prebivališta u BiH i boravka izvan BiH na koju će biti upućen glasački materijal, te kontakt podatke.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluka Centralne izborne komisije BiH kojom je odbijena prijava žaliteljice za upis u izvod iz Centralnog biračkog spisa za glasanje izvan Bosne i Hercegovine jer imenovana nije predala prijavu sa potpunim podacima. Uvidom u prijavu je utvrđeno da je žaliteljica dostavila samo gornji desni ugao prijavnog obrasca, koji ne sadrži bilo kakav podatak. Kod navedenih utvrđenja, bez uticaja je činjenica da je žaliteljica, naknadno, uz žalbu dostavila potpun obrazac.

Time prijava žaliteljice nije sačinjena u skladu sa članom 3.15 stav 1 Izbornog zakona, ne ispunjava uslove propisane u citiranoj odredbi te nije bilo zakonskog osnova da se žaliteljice upiše u izvod u Centralni birački spisak za glasanje van BiH, kako je to propisano članom 3.15 stav 6 Izbornog zakona BiH.

Predmetnom odlukom žaliteljici nije uskraćeno biračko pravo jer se, shodno odredbi člana 3.16 stav 2 citiranog zakona, nalazi u izvodu iz Centralnog biračkog spiska za glasanje u osnovnoj izbornoj jedinici u kojoj ima prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
S U D I J A**

Dinka Bešlagić Čovrk